


南安府志

250.201

138

19



南安府志卷十七

武畧

南安穀綰三省漢時樓船下瀨旣由此往而騶力之屬直欲由此來甯非漢世用武地哉人生其間固亦有引弓之俗焉唐末盧譚其著者歟是後能任干戈者代有其人衛民之功不可沒也而盧紹先之藏書踰萬卷其識量又高出知險隘陳攻戰之上矣志武畧



五代

盧光稠

譚全播

黃玉

謝肇

謝旭

宋

謝希茂

盧宗邁

鄧富

南安府志

鍾特立

元

王國興

明

胡述

趙志標

國朝

劉法發

卷十七 武畧

二

五代

盧光稠譚全播皆南康人也

今俱上猶人

光稠狀貌雄偉無他

材能而全播勇敢有識畧然全播常奇光稠爲人唐末羣盜起南方全播謂光稠曰天下沟沟此真吾等之時無徒守此貧賤爲也乃相與聚兵眾推全播爲主全播曰諸君徒爲賊乎而欲成功也若欲成功當得良帥盧公堂堂真君等主也眾陽諾之全播怒拔劍擊木三斬之曰不從令者如此木眾懼乃立光稠爲帥是時王潮攻陷嶺南全播攻潮取其虔韶二州又遣光稠弟光睦攻潮州光睦好勇而輕進全播戒其持重不聽度其必

南安府志

卷十七 武畧

三

敗乃爲奇兵伏其歸路光睦果敗走潮人追之全播以伏兵邀擊大敗之遂取潮州是時劉巖起南海擊走光睦以兵數萬攻虔州光稠大懼全播曰吾知劉巖易與耳乃選精兵萬人伏山谷中陽治戰地於城南告巖戰期以老弱五千出戰戰酣僞北巖急追之伏兵發巖遂大敗光稠第戰功全播悉推諸將光稠心益賢之梁初江南嶺表悉爲吳與南漢分據而光稠獨以虔韶二州請命於京師願通道路輸貢賦太祖爲遣百勝軍以光稠爲防禦使兼五嶺開通使又建鎮南軍以爲留後開平五年光稠病以符印屬全播全播不受光稠卒全播

立其子延昌而事之延昌好遊獵其將黎求閉門拒延昌延昌見殺求因謀殺全播全播懼稱疾不出求乃自立請命於梁乾化元年拜求防禦使求暴病死其將李彥圖自立全播益懼遂稱疾篤杜門自絕彥圖疑之使人覘其動靜全播應覘爲狀以自免彥圖死州人相率詣全播第叩門請之全播乃起遣使請命於梁拜防禦使全播治虔州七年有善政楊隆演遣劉信攻破虔州以全播歸廣陵卒年八十五當盧氏時劉龔已取韶州及全播被執虔州遂入於吳

五代史

按此歐陽子五代史全文叙事直而婉詳而覈此邦

南安府志

卷十七

武畧

四

人物見史者不多前志何以不載史文而紛紛於無稽之贈蔭可省之褒譏真如鄭夾漈所譏富家之婦不事饗飮專鼓唇舌者矣

黃玉

一作延玉

字德符今爲上猶人天祐中補使院時判官李

照割南康西南地置上猶場推吳知道及廷玉勾當場事創場始於靈巖寺北時盜賊蜂起廷玉保障二十四年多著勞績場民刻其政於石南唐時累官銀青光祿大夫卒年九十有七昆弟子孫顯於宋登進士者八九人

按舊傳有擢博通墳典科語遲志譏前此志入選舉

之非是矣然既知爲附益何以不爲刪去遲志又譏
時上猶未立縣當作某鄉某里不爲無見然宇內各
志如此類者甚多卽如稱孔孟者多曰曲阜鄒縣何
能盡稱魯國鄒國乎於上猶上添一今字則自明矣
至廷玉事黃文傑猶治記中頗詳味其文藝則亦似
後人附益然視此傳爲詳故刪彼而移之此

謝肇字景初上猶人嫻武技乾符中與父率義兵征蠻功
第一除韶州刺史會寇起汀建命肇捕之一出而平遷
百勝軍防禦使閩粵卒叛肇復提兵勦平之詔授金紫
光祿大夫檢校戶部尚書

南安府志

卷十七

武畧

五

按謝肇顓志以爲興國人南安志以爲上猶人或指
聚族以定祖居或執生長以徵版籍各護其私我則
不暇況南顓壤接一人而占籍數縣往往有之明一
統志兩處並載蓋亦載筆者不欲爲分界堠子語也
茲與陽玉巖並從舊志序列而不復聚不急之訟覽
者當自辨之

謝旭上猶人南唐保大中以武勇顯累立戰功授千牛將
軍石軍兵馬使

宋

謝茂希上猶人建隆初以武藝顯官至銀青光祿大夫檢

校左散騎常侍兼御史大夫

盧宗邁字紹先大庾人汝舟從子也年十三隸御史府樞密使汪澈臨邊視師檄以自隨宗邁熟知險阨畫城守屯戍之地陳攻戰之法澈深嘉之歷館職文雅練達兩朝日歷成一歲五遷官至武翼大夫晚年藏書至萬卷然終不滿致身武階云

按宗邁階仍武翼則歷館職不確蓋當時多有換授文資之例而館職甚重決不容武秩參與也疑拜武階至日歷成十七字後人所附益耳

鄧富字彥積大庾人有智畧屢平盜寇紹興間爲諸寨長

南安府志

卷十七 武畧

六

賊畏之呼曰鄧江南以功累遷八州巡檢知昌化軍族

子邦直官至武翼大夫

鍾特立上猶人身長九尺餘寶祐戊午流寇犯邑特立率宗黨從僕數十人擊之寇覩特立貌已驚異俄伏兵四起遂大破賊俘斬甚眾授星子尉擢樂昌尹

元

王國興大庾人至元十四年以軍功擢把總十六年陞武畧將軍管軍千戶十九年例換民官制授奉訓大夫判漳州有流寇國興討平之轉奉訓大夫英德知府致仕子邦叔蔭乳源簿邦達始興尹

明

胡述字敬夫上猶人好計議初爲增廣生正德末王文成征輦辟爲贊畫賊平授冠帶及宸濠之變復召至軍前有贊畫功格於例不得廕述亦不委曲求之

趙志標字世美上猶人年十九以例授冠帶時輦賊橫甚王文成知志標才勇檄至幕下署爲乾字營長賊平以功薦於朝不報宸濠之變與胡述同赴軍門事平格於例賞竟不行

按王文成集參失事疏稱縣丞舒富呈蒙委統領殺手陳禮魴打手吳尙能等共五百名經歷王祚義民

南安府志

卷十七

武畧

七

蕭承統領峯山加善雙秀弩手各三百名先後到於信豐縣會勦又開報征藩功次移稱南安府上猶縣義官尹志爵征宸濠守把截殺云云則陳吳蕭尹四人者皆嘗披堅執銳以固吾圉前郡邑志皆未及載是桑梓已不知有其人矣故從文成集表出之

國朝

劉滋發字子騰上猶人拔貢勇敢有爲康熙甲寅粵賊曾道盛等圍猶城滋發夜縋城出至贛拜贛帥馬前曰猶城危在旦暮不速救士女悉爲虜矣苟假援兵當爲前驅帥許之遂身先士卒直抵城下大呼城中歡呼應之

賊驚遁城賴以全人有謝之者曰此大義非私恩也何謝爲

按縵城請救事自不誣然邑志又有朱熙孝方高寬皆以是時請兵於縵不知三人同行抑一事而三家後人共襲之耶無從覈實然滋發傳較愈故存之

質行

人貌榮名何所不有則行之質者尙焉所以司馬子
長美萬石君家法曰諸儒質行皆自以爲不及邇世
固有恪恭明廷而詬諍暗室者則其行僞而非質也
茲因併前志孝友質行爲一卽前代慕義諸人亦附
於後蓋周官六行始孝友終任卹義本一貫非亂舊
章也志質行

宋

盧世亮 陽大明 潘子直 曾槐 李文德

李壽翁 鍾鼎 王子文 張季和

元

蔡恢

明

沈安 鄧璵 胡祥文 吳勝楚 陽散盛 劉自明

劉志學 吳孟傳 鍾善政 陽敷盛 羅天奎 賴汝威

劉昭理 吳雁 陳守學 譚廷柯 譚瑋 劉琥

鍾憲

南安府志

卷十七 質行

十

國朝

蔡宏祚 劉如昌 蕭士維 吳湛德 陽汝貞

蔡均安 林春萱 李用梅 王宏壁 李上謙

康世輪 郭天章 廖應鳴 張秉 慧 質 盧聲聞 子 菜

謝嘉芹 蕭斯規 黃九思 鍾莪 劉祥槐 子 開 勲

張之任

宋

盧世亮字亮工上猶人事母以孝聞天聖二年母死廬墓有巨蛇來世亮恐驚母靈痛哭俄雷震蛇死近墓一里出甘泉二虎往來馴伏墓側知縣陳廷傑書其事於石陽大明字和甫南康人資性醇朴少從鄉儒劉昂學詩年四十屢試不偶紹興間父母喪皆廬墓

潘子直字浩然大庾人理宗時讀書不仕事父母至孝睦於兄弟叔姪六世同居無異言郡守饒應龍作詩旌之曾槐字槐卿大庾人性恭謹讀書學詩務靜晦不應舉以醫自寄貧而病者與之藥及粥卽愈口不言勞也子文

南安府志

卷十七 質行

十一

唯開禧三年鄉薦文虎嘉定九年鄉薦

李文德字謙之大庾人慕槐卿之爲人讀書散行居下崗作書屋訓子子躍麒麟躍麟俱淳祐間鄉薦

李壽翁字堯民大庾人習賦有聲不第訓子文子學賦旣而曰茲非所尙乎吾不能如槐卿

母舅盧武博自明學春秋兩領鄉薦登咸淳十年進士按旣不如槐卿而槐卿何以列於質行堯民獨列文學志中堯民槐卿及李謙之皆不過以其子嘗登鄉科載筆者遂紀之以獻諛封翁耳其實所慕祇是槐卿而作志者津津耳目淺薄已可見矣然所紀止此

而不增飾道德文章之懿則視後世諛封翁者古道猶存也

鍾鼎字文昭上猶人慷慨好義家饒於財嘗觀范文正義田事偕姪日新買田五百畝置義莊建書院延師以教鄉族子弟子三傑爲化州司法參軍歸值邑令胡泓建城三傑方築室盡輟所購磚石輸官有司以聞賜敕有哲夫成城保衛鄉里之褒三傑子特立自有傳

王子文大庾人性好義淳祐四年大饑時潮顛皆不靖前五六年成將熊喬部下僧倡亂子文憂庾康民心惶惑竭廩賑贍兩邑民列狀上知軍王嘉禮體覈如狀得旌

南安府志

卷十七

質行

三

子文力辭乃官其子燮

張季和上猶人咸淳間割股救父郡守趙孟適作詩美之元

蔡恢字汝大南康人事父祥卿菽水盡歡睦於兄弟至老無間至大戊申郡長燕只不花厚禮之疏於朝命未下卒年九十有八

明

沈安字希散大庾人幼孤讀書不求仕進力田圃養母朝夕躬進食必愉婉洪武初有欲辟舉之者其叔仲德止之曰兒殆不一夕離其母也母歿廬墓山之樹葉盡白

邵璵字德溫大庾人父祖賢潯陽縣簿璵從至潯陽受業
三山陳仲謀讀書不應舉隱於醫邑有鬻女者贖之還
有客死暴露者捐地以葬人多賢之

胡祥文上猶人嘗捐田膳學拓地建忠義祠郡守林介邑
令吳鎬咸嘉其義給冠帶舉鄉飲以旌之

吳勝楚大庾人崇義廩生陽散盛南康人俱嘉靖中割股
救父巡按御史旌其門

劉自明字子晉大庾人以孝友稱由隆慶二年恩貢歷雲
南巨津知州初膺選時父歿哀毀執禮後念母老告歸
終養尤友愛厥弟母近百齡終自明年八十矣猶準禮

南安府志

卷十七

質行

三

居喪巡按御史喬廷棟禮其廬年九十卒

劉志學字時懋大庾諸生自幼端慤父訓之極嚴母歿水
漿不入口者四日餒粥菽蔬糲三年且暮饋奠哀慟喪
次生芝三莖知府吳炳庶禮其廬

吳孟傳上猶人母歿孟傳請命於父留弟倫於家侍養與
弟儲廬墓三年比父亡與倫儲皆廬墓焉隆慶間御史
督學咸旌禮之

鍾善政陽敷盛俱南康人事母盡孝母病俱割股以療有
司旌表之

按散盛敷盛時同事同必是一人散敷字形相似而

譚耳且果二人則必羣從正宜昆弟合傳何至一附
鍾善政傳一附吳勝楚傳耶訪諸邑士未有肯贊言
者姑並存俟考

羅天奎南康人幼失怙母撫養之稍長事母極孝家貧學
藝事供朝夕必誠必敬母歿哀痛悲切廬墓三載每遇
疾風迅雷匍地號哭巡按御史給匾額及粟帛旌獎之
賴汝威南康人鬻蔬供母弟竊母衣物汝威潛置償之溫
清如稗子者三十年母亡廬墓三載自悲養薄遂終身
餒粥茹素萬慙中巡按御史檄縣歲贍布粟優異之

劉昭理字汝溫南康人隆慶間由崇義貢仕連江教諭性

南安府志

卷十七

質行

四

端恪事父母孝與諸生處必以孝弟勗之士人聞其素
多服從者卒祠連江名宦

吳雁南康人陳守學大庾人俱隆慶中廬墓御史旌表者
譚廷珂大庾人萬厯中父歿廬墓御史旌其門後仕知縣
見選舉

譚瑋字德武大庾諸生父一召以南部郎言事里居瑋益
感憤爲學性至孝母劉卒一慟幾絕三年不出苦次以
哀毀致疾而卒

劉琬大庾人廩生早失恃祖母鞠之祖母年踰八十琬與
妻沅滌裳服輒淚下自學歸省進食必跪嘉靖中都

御史唐胃檄旌之

鍾憲大庾人早失恃鞠於祖母祖母老病憲方任清流典史解官歸養朝夕視寢食惟謹既歿喪葬以禮嘉靖中按察副使譚大初行部召見問曰聞汝事祖母順憲涕泗不能對譚曰真順孫也體其廬御史沈鉞旌其門年八十餘終

國朝

蔡宏祚上猶人少穎悟年十八補博士弟子性孝友父死廬墓三年年三十三卒嘗遊東山寺賦詩詞旨悽惋人多目爲昌谷一流

南安府志

卷十七

質行

五

劉如昌字天卿大庾人幼孤家貧事母盡孝嘗避亂遇賊如昌跪泣曰死弗敢避有寡母在行擠於溝壑矣言訖大慟賊憐而釋之又山行遇虎不爲害及母卒哀毀每雷雨輒詣墓側號慟至老不改年八十卒

蕭士維字重臣崇義諸生明末韶州賊擄其叔望隆日咎掠索贖士維與姪斯元往代質望隆歸傾橐以贖賊欲未厭僕王元明詐投賊中伺動靜賊使爲門卒一日賊咎士維斯元無完膚且怒曰來日金不足必殺二人相對悲泣元明乘間誘守者飲大醉二人泣至夜半恍惚聞有人呼曰急走者聳身起立繫已脫乃負痛走至門

元明啟鑄逸之趨富溪元明亦踉蹌奔至遂俱免大庾令武承謨爲之傳

吳湛德字子純上猶邑庠生性好善樂施與嘗捐穀賑饑施糶掩截卒年八十有二

陽汝貞幼有至性年十二粵藩叛其父見殺母吳氏被兵掠漂泊蘇門傭賃李新家吳日夜泣念子女新惻然爲詳述籍貫託其里孫望雅子姪自都門寄書南康時汝貞驚身南楚念母日夜悲號遂乘間歸里思尋母未識所在久之都門兩信皆達遂隻身徒跣八十餘日竟達衛輝奉其母以歸分離一十五年矣大梁孟發祥王郊

南安府志

卷十七 質行

六

咸嘉其孝贈以詩孫望雅爲作陽孝子傳

蔡均安字綏男南康人幼喪母旣寔朝夕哭奠墓下甲申之變父攜之避寇猶乘間奔母墓焚遺衣泣拜而後行父爲寇所掠踉蹌入營籲以身代寇憐其幼遣偕父去且遺以物謝弗受韶清自有傳

林春萱字愛日南康人年十七時值丙戌兵寇父母繼逝里巷空無人兄出營殯具春萱終日夜子守親尸繼祖母逃散信豐獨往尋得之養葬盡禮仲兄春藻謁選卒京走數千里歸其柩子必儀自有傳

李用梅字調鼎以歲貢任上饒訓凡關學政竭力興舉生